


# Žurnal

## IVAN TOMIĆ PIŠE ŽURNALU : Nema me u kaznenoj evidenciji Srbije i RS

Objavljeno: 08.11.2019. u 12:54h

Ivan Tomić reagovao je na Žurnalov tekst "MUP RS mijenja identitet kriminalcima: Braća Ćulum postala braća Giljon, a Milaković - Ivan Tomić"



Poštovani,

dana 30.10.2019. godine u 19:20h na portalu zurnal.info objavljen je članak pod naslovom **MUP RS MIJENJA IDENTITET KRIMINALCIMA: Braća Čulum postala braća Giljon, a Milaković – Ivan Tomić.**

U navedenom članku prije svega piše se kako MUP RS mijenja identitet kriminalcima, imenujući prije svega braću Čulum, našeg klijenta Tomić Ivana, navodeći kako je Tomić Ivan dugogodišnji prijatelj braće Čulum.

Ivan Tomić je ime promijenio u Republici Srbiji u skladu sa važećim zakonskim propisima koji regulišu tu oblast, nikako pred MUP RS kako se to u samom naslovu članka netačno navodi, a kada je u pitanju navod da je isti dugogodišnji prijatelj braće Čulum, bitno je naglasiti da Tomić Ivan braću Čulum nikada nije niti upoznao, stoga je ponajmanje tačno da je isti dugogodišnji prijatelj sa navedenom braćom.

Pored navoda kako i na koji način je Saša Milaković promijenio ime u Tomić Ivan, navodi se kako i na koji način je postupak pred Sudom BiH u odnosu na istog okončan, odnosno da je direktor Kazneno-popravnog zavoda Tunjice iz Banja Luke Goran Selak spojio Tomić Ivan sa svojim prijateljem Olegom Čavkom, državnim tužiocem koji je bio zadužen za taj predmet, što je apsolutno netačno.

Naime, postupak u odnosu na Tomić Ivana i dr. okončan je Naredbom Tužilaštva Bosne i Hercegovine o obustavi istrage od 14.12.2018. godine u kojoj naredbi se između ostalog navodi da ne postoji dovoljno dokaza da su osumnjičeni učinili krivično djelo za koje se terete, i to protekom skoro dvije godine od dana kada je Tomić Ivan dobrovoljno pristupio pred pravosudne institucije BiH, a ne kako se to netačno navodi „uplatom kaucije Milaković se pušta na slobodu, te nedugo nakon toga Oleg Čavka obustavlja istragu”.

Bitno je naglasiti da se Tomić Ivan putem branioca u mjesecu oktobru 2016. godine obratio Tužilaštvu Bosne i Hercegovine sa prijedlogom da dobrovoljno pristupi pred Sud Bosne i Hercegovine, da je isti u mjesecu januaru 2017. godine dobrovoljno pristupio u Tužilaštvo Bosne i Hercegovine, kao i da je Naredba o obustavi istrage donešena 14.12.2018. godine i to usljed nedostatka dokaza da su osumnjičeni pa i sam Tomić Ivan počinili krivična djela u odnosu na koje se vodila istraga, a ne kako se netačno navodi „ubrzo nakon uplate kaucije državni tužilac Oleg Čavka obustavlja istragu protiv Milakovića”

Nedopustivo je da se ovakvim neprovjerenim i netačnim navodima naš klijent Ivan Tomić svrstava u objave pod naslovom „**KRIMINALCI**“ i u odnosu na istog netačno prenose činjenice vezano za postupak koji nije niti pokrenut zbog nedostatka dokaza da je isti počinio bilo koje krivično djelo.

Konačno, Ivan Tomić je lice koje ne prolazi kroz kaznenu evidenciju kako u Republici Srpskoj, tako i u Republici Srbiji.

Obzirom na sve naprijed navedeno, naš klijent zahtijeva da se isto objavi na vašem portalu, u suprotnom isti će pred nadležnim institucijama pokrenuti postupak radi zaštite svojih prava.

Isto tako, naš klijent zahtijeva da prestanete sa iznošenjem netačnih i neprovjerenih informacija kojima se isti dovodi u negativan kontekst, kao i povezuje sa osobama koje ne poznaje niti ima bilo kakve odnose, naročito prijateljske, obzirom da ovo nije prvi put da se isti spominje u negativnom kontekst na portalu zurnal.info.

S poštovanjem,

Ivan Tomić, po:

